

Na osnovu člana 70. Zakona o organizaciji organa uprave u Federaciji BiH («Sl. novine F BiH» broj: 35/05), člana 106. Zakona o dopunskim pravima branilaca i članova njihovih porodica u Bosansko-podrinjskom kantonu Goražde («Sl. novine BPK Goražde» broj: 9/13, 11/14 i 15/19) i člana 3. Pravilnika o uslovima, načinu i kriterijima za utvrđivanje prava na besplatne obavezne udžbenike za redovno školovanje („Službene novine BPK Goražde“ broj: 4/20), Ministar za boračka pitanja Bosansko-podrinjskog kantona Goražde raspisuje:

JAVNI POZIV

za odobravanje novčane pomoći na ime nabavke udžbenika učenicima srednjih škola čiji roditelji imaju status pripadnika boračke populacije na prostoru Bosansko – podrinjskog kantona Goražde za budžetsku 2021. godinu

Član 1.

Predmet Javnog poziva je dodjela finansijskih sredstava na ime pomoći za nabavku udžbenika učenicima srednjih škola čiji roditelji imaju status pripadnika boračke populacije na prostoru Bosansko-podrinjskog kantona Goražde, planiranih u visini 5.500,00 KM na budžetskom kodu Ministarstva za boračka pitanja Bosansko-podrinjskog kantona Goražde 614200 - «Tekući transferi pojedincima» (BOR - 005) («Sl. novine BPK Goražde» broj: 3/21).

Član 2.

Pravo na novčanu pomoć za nabavku udžbenika učenicima srednjih škola mogu ostvariti djeca demobilisanih boraca, ratnih vojnih invalida, članova porodica šehida i poginulih boraca pod uslovom da imaju stalno prebivalište i boravište na području Kantona ili da su ostvarili povratak u Republiku Srpsku u općinama: Foča, Čajniče, Rudo, Višegrad, Rogatica, Pale i Novo Goražde, s tim da su na dan potpisivanja “Općeg okvirnog sporazuma za mir u BiH” (14.12.1995.g.), imala boravište na području Kantona.

Novčana pomoć za nabavku udžbenika, u maksimalnom iznosu do 172,08 KM po jednom učeniku, odnosno 18% prosječne neto plaće isplaćene u Federaciji u prethodnoj godini prema podacima Zavoda za statistiku FBiH, može se odobriti članovima porodica šehida - poginulih boraca, RVI, porodicama umrlih RVI i demobilisanih boraca i demobilisanim borcima teže imovnog stanja, ako ukupna novčana primanja **podnosioca zahtjeva**, uključujući primanja po osnovu socijalne i boračko-invalidske zaštite ne prelaze iznos od 478,00 KM ili 50% prosječne neto plaće isplaćene u Federaciji BiH u prethodnoj godini.

Član 3.

Opći uslov za ostvarivanje prava za dodjelu sredstava su da podnosilac zahtjeva posjeduje dokaz da učenik, redovno pohađa srednju školu i da prvi put upisuje odgovarajući razred .

Član 4.

Posebni kriteriji za ostvarivanje prava za dodjelu sredstava su:

1. Borački status;
2. Socijalni položaj podnosioca zahtjeva (ukupna novčana primanja podnosioca zahtjeva uključujući i primanja po osnovu socijalne i boračko - invalidske zaštite ne prelaze iznos od 478,00 KM, odnosno 50% prosječne neto plaće isplaćene u Federaciji BiH u prethodnoj godini);
3. Veći broj članova porodičnog domaćinstva.

Član 5.

Obavezne isprave - dokumenta koja dostavljaju svi podnosioci zahtjeva (roditelj, staratelj) za dodjelu sredstava su:

1. CIPS-ova prijava boravišta-prebivališta za podnosioca zahtjeva (roditelj-staratelj);
2. Rješenje nadležnog organa o priznatom statusu člana porodice šehida-poginulog borca, vojnog invalida ili Uvjerenje za podnosioca zahtjeva da je bio pripadnik Oružanih snaga **najmanje godinu dana**, izdato na obrascu FMB 3A od nadležne Grupe/Samostalnog izvršioca za pitanja evidencija iz oblasti vojne obveze;
3. Kućna lista;

4. Za nezaposlene podnosioce zahtjeva: Uvjerenje nadležne službe za zapošljavanje da se nalaze na evidenciji nezaposlenih osoba i da ne primaju novčanu naknadu za vrijeme nezaposlenosti, a ukoliko se ne vode na evidenciji službe za zapošljavanje - Uvjerenje poreske uprave da nisu obveznici uplate doprinosa ili ček od penzije te dokaz da nisu korisnici prava iz oblasti boračko-invalidske i socijalne zaštite;
5. Za zaposlene podnosioce zahtjeva: Dokaz o visini ukupnih mjesečnih prihoda/primanja po osnovu: radnog odnosa, boračko-invalidske i socijalne zaštite, penzije, samostalne djelatnosti i drugih osnova, s tim da ukupni iznos po članu porodičnog domaćinstva ne prelaze 18% prosječne netto plaće isplaćene u FBiH u prethodnoj godini prema posljednjem objavljenom saopštenju Federalnog zavoda za statistiku; **DOKAZI:** *Uvjerenje poslodavca; Uvjerenje Službe za boračko-invalidsku i socijalnu zaštitu; Uvjerenje Centra za socijalni rad; Uvjerenje Zavoda PIO/MIO; Uvjerenje poreske uprave;*
6. Dokaz o redovnom školovanju i dokaz da učenik na čije se ime dodjeljuju sredstva po prvi put upisuje odgovarajući razred srednje škole.
7. Potvrdu Škole o povratu udžbenika iz prethodne godine (za učenike koji su ovo pravo ostvarili u prethodnoj školskoj godini).

NAPOMENA: Dokaze – potvrde iz tačke 6. i 7. prethodnog stava Ministarstvo za boračka pitanja će obezbijediti službenim putem za sve podnosioc

Član 6.

Lica koja ostvare pravo na dodjelu novčane pomoći na ime nabavke udžbenika u 2021.godini po ovom Javnom pozivu će po okončanju školske 2021/22 godine, u ispravnom stanju izvršiti povrat nabavljenih udžbenika školama u kojim pohađaju nastavu s ciljem ustupanja istih narednim generacijama.

Podnosioci zahtjeva za dodjelu novčanih sredstava na ime predmetne pomoći u 2021/2022.godini koji su ostvarili pravo na dodjelu novčane pomoći po istom osnovu za 2020/2021.godini, **a ne izvrše** u otvorenom roku (do dana zatvaranja ovog Javnog oglasa) povrat udžbenika iz prethodne godine, bez obzira da li ispunjavaju uslove definisane ovim Javnim pozivom neće se razmatrati, odnosno njihovi zahtjevi će se odbaciti.

NAPOMENA:

Roditelji - staratelji učenika koji imaju pravo na dodjelu novčane pomoći za nabavku udžbenika, podnose zahtjev za ostvarivanje ovog prava Ministarstvu za boračka pitanja Bosansko – podrinjskog kantona Goražde.

Zahtjev se podnosi na propisanom obrascu u kojem je navedena potrebna dokumentacija koju je podnosioc zahtjeva dužan priložiti.

Ovaj oglas je otvoren do 10.09.2021.godine.

Obrazac zahtjeva se može preuzeti na web stranici (<http://mb.bpkg.gov.ba/zahtjevi-i-obraci>) ili u prostorijama Ministarstva za boračka pitanja Bosansko – podrinjskog kantona Goražde, ul. 1. Slavne višegradske brigade br. 2a.

Broj:11-11-1025 /21
Goražde, 25.08.2021.godine

